

REGLUGERÐ FRAMKVÆMDASTJÓRNARINNAR (ESB) nr. 555/2013

2015/EES/63/36

frá 14. júní 2013

um breytingu á reglugerð (ESB) nr. 142/2011 að því er varðar umflutning á tilteknum aukaafurðum úr dýrum frá Bosníu og Hersegóvínu (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1069/2009 frá 21. október 2009 um heilbrigðisreglur að því er varðar aukaafurðir úr dýrum og afleiddar afurðir sem ekki eru ætlaðar til manneldis og um niðurfellingu á reglugerð (EB) nr. 1774/2002 (reglugerð um aukaafurðir úr dýrum) ⁽¹⁾, einkum annarri undirgrein 3. mgr. 41. gr. og a-lið 2. mgr. 42. gr.,

og að teknu tilliti til eftirfarandi:

- 1) Í reglugerð framkvæmdastjórnarinnar (ESB) nr. 142/2011 frá 25. febrúar 2011 um framkvæmd reglugerðar Evrópuþingsins og ráðsins (EB) nr. 1069/2009 um heilbrigðisreglur, að því er varðar aukaafurðir úr dýrum og afleiddar afurðir sem ekki eru ætlaðar til manneldis, og um framkvæmd tilskipunar ráðsins 97/78/EB að því er varðar tiltekin sýni og hluti sem eru undanþegin heilbrigðisefirliti með dýrum og dýraafurðum á landamærum samkvæmt þeirri tilskipun ⁽²⁾ er mælt fyrir um framkvæmdarráðstafanir varðandi heilbrigðisreglur að því er varðar aukaafurðir úr dýrum og afleiddar afurðir sem ekki eru ætlaðar til manneldis.
- 2) Nauðsynlegt er að mæla fyrir um sértæk skilyrði fyrir umflutningi um Sambandið á sendingum af aukaafurðum úr dýrum og afleiddum afurðum til þriðju landa frá Bosníu og Hersegóvínu, vegna landfræðilegrar staðsetningar og þeirri nauðsyn að viðhalda aðgengi að króatísku höfninni í Ploče eftir inngöngu Króatíu í Sambandið.
- 3) Í ákvörðun framkvæmdastjórnarinnar 2009/821/EB ⁽³⁾ er tekin saman skrá yfir samþykktar skoðunarstöðvar á landamærum og mælt fyrir um tilteknar reglur um skoðanir, sem heilbrigðissérfræðingar framkvæmdastjórnarinnar á sviði dýra og dýraafurða framkvæma, og mælt fyrir um dýralæknaeiningar í Traces-kerfinu. Þar eð fyrirkomulag varðandi umflutning um Sambandið á sendingum af þeim aukaafurðum úr dýrum sem um er að ræða til þriðju landa frá Bosníu og Hersegóvínu getur einungis verið skilvirkt með aðgengi um króatísku skoðunarstöðvarnar á landamærunum við Nova Sela og Ploče er nauðsynlegt

að bæta þeim skoðunarstöðvum á landamærum í skrána sem sett er fram í I. viðauka við ákvörðun 2009/821/EB, um leið og tæknileg skilyrði fyrir samþykki fyrir þeim eru uppfyllt.

- 4) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra og hvorki Evrópuþingið né ráðið hefur andmælt þeim.

SAMÞYKKT REGLUGERÐ ÞESSA:

I. gr.

Eftirfarandi 29 gr. a er felld inn í reglugerð (ESB) nr. 142/2011:

„29. gr. a

Sértækar kröfur sem varða umflutning á aukaafurðum úr dýrum, sem koma frá Bosníu og Hersegóvínu og eiga að fara til þriðju landa, um Króatíu

1. Flutningur á sendingum af aukaafurðum úr dýrum og afleiddum afurðum, sem koma frá Bosníu og Hersegóvínu og eiga að fara til þriðju landa gegnum Sambandið, um vegi, beint á milli skoðunarstöðvarinnar á landamærum við Nova Sela og skoðunarstöðvarinnar á landamærum við Ploče skal leyfður að því tilskildu að eftirfarandi skilyrði séu uppfyllt:

- a) opinber dýralæknir innsiglaði sendinguna með innsigli með raðnúmeri á skoðunarstöðinni á landamærum þar sem sendingin kom inn í landið,
- b) opinber dýralæknir á skoðunarstöð á landamærum þar sem sendingin kom inn í landið stimplaði á hverja síðu skjalanna, sem fylgja sendingunni og um getur í 7. gr. tilskipunar 97/78/EB, orðin „EINGÖNGU TIL UMFLUTNINGS GEGNUM ESB TIL ÞRIÐJU LANDA“,
- c) kröfurnar um málsmeðferð, sem kveðið er á um í 11. gr. tilskipunar 97/78/EB, eru uppfylltar,
- d) opinber dýralæknir á skoðunarstöð á landamærum þar sem sendingin kemur inn í landið vottar sendinguna sem viðunandi til umflutnings á samræmda heilbrigðis- og innflutningsskjalinu fyrir dýr og dýraafurðir sem um getur í 1. mgr. 2. gr. reglugerðar (EB) nr. 136/2004.

(*) Þessi ESB-gerð birtist í Stjtið. ESB L 164, 18.6.2013, bls. 11. Hennar var getið í ákvörðun sameiginlegu EES-nefndarinnar nr. 197/2015 frá 25. september 2015 um breytingu á I. viðauka (Heilbrigði dýra og plantna) við EES-samninginn, biður birtingar.

⁽¹⁾ Stjtið. ESB L 300, 14.11.2009, bls. 1.

⁽²⁾ Stjtið. ESB L 54, 26.2.2011, bls. 1.

⁽³⁾ Stjtið. ESB L 296, 12.11.2009, bls. 1.

2. Afferming eða geymsla slíkra sendinga, eins og hún er skilgreind í 4. mgr. 12. gr. eða í 13. gr. tilskipunar 97/78/EB, í Sambandinu skal ekki leyfð.

3. Lögbært yfirvald skal annast reglulega úttekt til að tryggja að fjöldi sendinga og magn afurða sem er flutt frá Sambandinu samsvari þeim fjölda og því magni sem kemur inn í Sambandið.“

2. gr.

Reglugerð þessi öðlast gildi með fyrirvara um aðildarsáttmála Króatíu og á gildistökudegi hans.

Hún skal gilda frá þeim degi þegar breytingarnar á ákvörðun 2009/821/EB koma til framkvæmda, sem fela í sér að færslunum fyrir Nova Sela og Ploče verði bætt við í I. viðauka.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 14. júní 2013.

Fyrir hönd framkvæmdastjórnarinnar,

José Manuel BARROSO

forseti.
